

Ֆինանսական հաշվետվությունների միջազգային ստանդարտ 5

Վաճառքի համար պահվող ոչ ընթացիկ ակտիվներ և ընդհատված գործունեություն

Նպատակը

1. Սույն ՖՀՄՍ-ի նպատակն է սահմանել վաճառքի համար պահվող ակտիվների հաշվապահական հաշվառման, ինչպես նաև *ընդհատված գործունեությունների* ներկայացման և բացահայտման կարգը: Մասնավորապես, ՖՀՄՍ-ը պահանջում է, որ՝
 - (ա) վաճառքի համար պահվող դասակարգվելու չափանիշներին բավարարող ակտիվները չափվեն հաշվեկշռային արժեքից և «*իրական արժեք՝ հանած վաճառքի ծախսումներ*»-ից նվազագույնով, և այդ ակտիվների գծով մաշվածության հաշվարկումը դադարեցվի:
 - (բ) վաճառքի համար պահվող դասակարգվելու չափանիշներին բավարարող ակտիվները ֆինանսական վիճակի մասին հաշվետվությունում ներկայացվեն առանձին, իսկ ընդհատված գործունեությունների արդյունքները համապարփակ ֆինանսական արդյունքի մասին հաշվետվությունում ներկայացվեն առանձին:

Գործողության ոլորտը

2. Սույն ՖՀՄՍ-ի՝ դասակարգման և ներկայացման գծով պահանջները կիրառվում են կազմակերպության բոլոր ճանաչված *ոչ ընթացիկ ակտիվների*¹ և բոլոր *օտարման խմբերի* նկատմամբ: Սույն ՖՀՄՍ-ի չափման գծով պահանջները կիրառվում են կազմակերպության բոլոր ճանաչված ոչ ընթացիկ ակտիվների և օտարման խմբերի նկատմամբ (ինչպես ներկայացված է 4-րդ պարագրաֆում), բացառությամբ 5-րդ պարագրաֆում թվարկված ակտիվների, որոնք պետք է շարունակեն չափվել նշված ստանդարտներին համապատասխան:
3. «*Ֆինանսական հաշվետվությունների ներկայացում*» ՀՀՄՍ 1-ին համապատասխան որպես ոչ ընթացիկ դասակարգված ակտիվները չպետք է վերադասակարգվեն որպես *ընթացիկ ակտիվներ*, քանի դեռ դրանք չեն բավարարում սույն ՖՀՄՍ-ին համապատասխան որպես վաճառքի համար պահվող դասակարգվելու չափանիշներին: Այնպիսի դասի ակտիվները, որոնք սովորաբար կազմակերպության կողմից կդիտվեն որպես ոչ ընթացիկ, սակայն որոնք ձեռք են բերվել բացառապես վերավաճառելու նպատակով, չեն դասակարգվի որպես ընթացիկ, բացառությամբ այն դեպքերի, երբ դրանք սույն ստանդարտին համապատասխան բավարարում են վաճառքի համար պահվող դասակարգվելու չափանիշներին՝:
4. Երբեմն կազմակերպությունը միասին՝ մեկ գործառնությամբ, օտարում է ակտիվների մի խումբ, հնարավոր է, դրանց հետ անմիջապես կապ ունեցող որոշ պարտավորությունների հետ: Այդպիսի օտարման խումբը կարող է լինել *դրամաստեղծ միավորների* խումբ, մեկ դրամաստեղծ միավոր կամ դրամաստեղծ միավորի մի մաս 2: Խումբը կարող է ներառել կազմակերպության ցանկացած ակտիվ և ցանկացած պարտավորություն, ներառյալ ընթացիկ ակտիվները, ընթացիկ պարտավորությունները և սույն ՖՀՄՍ-ի չափման պահանջներից 5-րդ պարագրաֆով բացառված ակտիվները: Եթե սույն ՖՀՄՍ-ի չափման պահանջների գործողության ոլորտում գտնվող ոչ ընթացիկ ակտիվը օտարման խմբի մի մաս է, ապա սույն ՖՀՄՍ-ի չափման

¹ Իրացվելիության ներկայացման համաձայն դասակարգված ակտիվների դեպքում ոչ ընթացիկ են համարվում այն ակտիվները, որոնցում ներառված գումարների փոխհատուցումը ակնկալվում է հաշվետու ժամանակաշրջանից ավելի քան 12 ամիս հետո: 3-րդ պարագրաֆը կիրառվում է այդպիսի ակտիվների դասակարգման նկատմամբ:

² Այնուամենայնիվ, քանի որ ակտիվից կամ ակտիվների խմբից դրամական հոսքերը հիմնականում առաջանում են վաճառքից, այլ ոչ թե շարունակական օգտագործումից, դրանց կախվածությունը այլ ակտիվներից առաջացող դրամական հոսքերից նվազում է, և դրամաստեղծ միավորի մաս կազմող օտարման խումբը դառնում է առանձին դրամաստեղծ միավոր:

պահանջները կիրառվում են խմբի նկատմամբ ամբողջությամբ վերցրած, այսինքն՝ խումբն է չափվում հաշվեկշռային արժեքից և «իրական արժեք՝ հանած վաճառքի ծախսումներ»-ից նվազագույնով: Օտարման խմբում ընդգրկված առանձին ակտիվների ու պարտավորությունների չափմանը ներկայացվող պահանջները սահմանված են 18-րդ, 19-րդ և 23-րդ պարագրաֆներում:

5. Սույն ՖՀՄՍ-ի³ չափման դրույթները չեն կիրառվում հետևյալ ակտիվների նկատմամբ, որոնց չափումը կատարվում է թվարկված ՖՀՄՍ-ների համապատասխան կամ որպես առանձին ակտիվներ, կամ որպես օտարման խմբի մի մաս.
 - (ա) հետաձգված հարկային ակտիվներ (ՀՀՄՍ 12 «Շահութահարկեր»).
 - (բ) աշխատակիցների հատուցումներից առաջացող ակտիվները (տե՛ս ՀՀՄՍ 19 «Աշխատակիցների հատուցումներ»).
 - (գ) ֆինանսական ակտիվներ, որոնք գտնվում են «Ֆինանսական գործիքներ. ճանաչումը և չափումը» ՀՀՄՍ 39-ի գործողության ոլորտում.
 - (դ) ոչ ընթացիկ ակտիվներ, որոնք հաշվառվում են «Ներդրումային գույք» ՀՀՄՍ 40-ի իրական արժեքի մոդելին համապատասխան.
 - (ե) ոչ ընթացիկ ակտիվներ, որոնք, «Գյուղատնտեսություն» ՀՀՄՍ 41-ին համապատասխան, չափվում են «իրական արժեք՝ հանած վաճառքի ծախսումներ»-ով.
 - (զ) պայմանագրային իրավունքներ ապահովագրության պայմանագրերի ներքո, ինչպես սահմանված է «Ապահովագրության պայմանագրեր» ՖՀՄՍ 4-ում:
- 5Ա. Որպես վաճառքի համար պահվող դասակարգված ոչ ընթացիկ ակտիվի (կամ օտարման խմբի) նկատմամբ կիրառելի սույն ՖՀՄՍ-ի դասակարգման, ներկայացման և չափման պահանջները կիրառվում են նաև այն ոչ ընթացիկ ակտիվի (կամ օտարման խմբի) նկատմամբ, որը դասակարգվում է որպես սեփականատերերին բաշխելու համար պահվող, ովքեր հաղես են գալիս որպես սեփականատեր իրենց կարգավիճակով, բաշխելու համար պահվող (սեփականատերերին բաշխելու համար պահվող):

Ոչ ընթացիկ ակտիվների (կամ օտարման խմբերի) դասակարգումը որպես վաճառքի համար պահվող կամ որպես սեփականատերերին բաշխելու համար պահվող

6. Կազմակերպությունը պետք է ոչ ընթացիկ ակտիվը (կամ օտարման խումբը) դասակարգի որպես վաճառքի համար պահվող, եթե դրա հաշվեկշռային արժեքը փոխհատուցվելու է հիմնականում վաճառքի գործարքի, այլ ոչ թե շարունակական օգտագործման միջոցով:
7. Դրա համար ակտիվը (կամ օտարման խումբը) պետք է իր ներկա վիճակում պատրաստ (մատչելի) լինի անմիջապես վաճառվելու համար՝ միայն այդպիսի ակտիվների (կամ օտարման խմբերի) վաճառքների համար բնորոշ և ընդունված պայմաններով, իսկ դրա վաճառքը պետք է շատ հավանական լինի:
- 8 Որպեսզի վաճառքը շատ հավանական լինի, համապատասխան մակարդակի ղեկավարությունը պետք է պարտավորված լինի ակտիվի (կամ օտարման խմբի) վաճառքի պլանով, և պետք է ձեռնարկվի գնորդ գտնելու և վաճառքի պլանը կատարելու ակտիվ ծրագիր: Ավելին՝ ակտիվը (կամ օտարման խումբը) իր ընթացիկ իրական արժեքի համեմատությամբ ողջամիտ գնով պետք է ակտիվորեն առաջարկվի շուկայում վաճառքի համար: Բացի այդ, պետք է ակնկալվի, որ դասակարգման ամսաթվից հետո մեկ տարվա ընթացքում վաճառքը կբավարարի որպես ավարտված վաճառք ճանաչվելու պայմաններին, բացառությամբ 9-րդ պարագրաֆով թույլատրված դեպքերի, և պլանն ավարտին հասցնելու համար անհրաժեշտ գործողությունները պետք է ցուցանչեն, որ պլանում նշանակալի փոփոխությունների կատարումը կամ պլանի դադարեցումը հավանական չէ: Բաժնետերերի կողմից պլանի հաստատման

* Բացի 18-րդ և 19-րդ պարագրաֆներից, որոնք պահանջում են, որ խնդրո առարկա ակտիվները չափվեն կիրառելի այլ ՖՀՄՍ-ներին համապատասխան:

հավանականությունը (եթե դա պահանջվում է օրենսդրությամբ) պետք է համարվի վաճառքի շատ հավանական լինելը գնահատելու մի մաս:

- 8Ա. Դուստր կազմակերպության նկատմամբ վերահսկողության կորուստ ենթադրող վաճառքի պլանի կատարման պարտավորություն ստանձնած կազմակերպությունը պետք է այդ դուստր կազմակերպության բոլոր ակտիվներն ու պարտավորությունները դասակարգի որպես վաճառքի համար պահվող, եթե բավարարվում են 6-8-րդ պարագրաֆներում շարադրված չափանիշները՝ անկախ այն բանից, թե արդյոք վաճառքից հետո կազմակերպությունը իր նախկին դուստր կազմակերպությունում կունենա չվերահսկող բաժնեմաս:
9. Իրադարձությունները կամ հանգամանքները կարող են երկարաձգել վաճառքի իրականացման ժամանակահատվածն այնպես, որ այն գերազանցի մեկ տարին: Վաճառքի իրականացման համար անհրաժեշտ ժամանակի երկարացումը չի արգելում, որ ակտիվը (կամ օտարման խումբը) դասակարգվի որպես վաճառքի համար պահվող, եթե երկարացման պատճառն այնպիսի դեպքեր կամ հանգամանքներ են, որոնք դուրս են կազմակերպության վերահսկողությունից, և առկա են բավարար ապացույցներ, որ կազմակերպությունը հավատարիմ է մնում ակտիվը (կամ օտարման խումբը) վաճառելու իր պլանին: Դա այդպես է, երբ բավարարված են Բ հավելվածում ներկայացված չափանիշները:
10. Վաճառքի գործարքները ներառում են ոչ ընթացիկ ակտիվների փոխանակումներն այլ ոչ ընթացիկ ակտիվների հետ, երբ այդ փոխանակումը, «*Հիմնական միջոցներ*» ՀՀՍՍ 16-ին համապատասխան, ունի կոմերցիոն բովանդակություն:
11. Երբ կազմակերպությունը ոչ ընթացիկ ակտիվ (կամ օտարման խումբ) է ձեռք բերում բացառապես այն հետագայում օտարելու նպատակով, ապա նա այդ ոչ ընթացիկ ակտիվը (կամ օտարման խումբը) պետք է ձեռքբերման ամսաթվի դրությամբ որպես վաճառքի համար պահվող դասակարգի միայն այն դեպքում, երբ 8-րդ պարագրաֆի մեկ տարվա պահանջը բավարարված է (բացառությամբ 9-րդ պարագրաֆով թույլատրված դեպքերի), և շատ հավանական է, որ 7-րդ և 8-րդ պարագրաֆներում նշված մյուս չափանիշները, որոնք այդ ամսաթվի դրությամբ բավարարված չեն, ձեռքբերմանը հաջորդող կարճ ժամանակահատվածում (սովորաբար, երեք ամսվա ընթացքում) կբավարարվեն:
12. Եթե 7-րդ և 8-րդ պարագրաֆներում նշված չափանիշները բավարարվում են հաշվետու ժամանակաշրջանի ավարտից հետո, ապա կազմակերպությունը չպետք է ոչ ընթացիկ ակտիվը (կամ օտարման խումբը) տվյալ ժամանակաշրջանի համար ներկայացվող ֆինանսական հաշվետվություններում դասակարգի որպես վաճառքի համար պահվող: Սակայն, եթե այդ չափանիշները բավարարվում են հաշվետու ժամանակաշրջանի ավարտից հետո, բայց մինչև ներկայացման համար ֆինանսական հաշվետվությունների հաստատումը, ապա կազմակերպությունը պետք է ծանոթագրություններում բացահայտի 41-րդ պարագրաֆի (ա), (բ) և (դ) կետերում նշված տեղեկատվությունը:
- 12Ա. Ոչ ընթացիկ ակտիվը (կամ օտարման խումբը) դասակարգվում է որպես սեփականատերերին բաշխելու համար պահվող, երբ կազմակերպությունը պարտավորվել է ակտիվը (կամ օտարման խումբը) բաշխել սեփականատերերին: Դրա համար անհրաժեշտ է, որ ակտիվները իրենց ներկա վիճակում պատրաստ (մատչելի) լինեն անմիջապես բաշխելու համար, իսկ դրանց բաշխումը պետք է շատ հավանական լինի: Որպեսզի բաշխումը շատ հավանական լինի, անհրաժեշտ է, որ գործողություններ ձեռնարկված լինեն բաշխումն ավարտելու համար, և պետք է ակնկալվի, որ այն կավարտվի դասակարգման ամսաթվից հետո մեկ տարվա ընթացքում: Բաշխումն ավարտին հասցնելու համար անհրաժեշտ գործողությունները պետք է ցուցանեն, որ բաշխման գործընթացի նշանակալի փոփոխումը կամ դադարեցումը հավանական չէ: Բաժնետերերի կողմից բաշխումը հաստատելու հավանականությունը (եթե դա պահանջվում է օրենսդրությամբ) պետք է համարվի բաշխման շատ հավանական լինելը գնահատելու մաս:

Ոչ ընթացիկ ակտիվներից հրաժարում

13. Կազմակերպությունը չպետք է որպես վաճառքի համար պահվող դասակարգի այն ոչ ընթացիկ ակտիվը (կամ օտարման խումբը), որից նա մտադիր է հրաժարվել, քանի որ դրա հաշվեկշռային արժեքը հիմնականում փոխհատուցվելու է շարունակական օգտագործման միջոցով: Սակայն,

Եթե օտարման խումբը, որից կազմակերպությունը մտադիր է հրաժարվել, բավարարում է 32-րդ պարագրաֆի (ա)–(գ) կետերում նշված չափանիշներին, կազմակերպությունը օտարման խմբի արդյունքներն ու դրամական հոսքերը պետք է ներկայացնի որպես ընդհատված գործունեություն՝ 33-րդ և 34-րդ պարագրաֆներին համապատասխան, դրա օգտագործումը դադարեցնելու ամսաթվի դրությամբ: Ոչ ընթացիկ ակտիվները (կամ օտարման խմբերը), որոնցից կազմակերպությունը մտադիր է հրաժարվել, ներառում են այն ոչ ընթացիկ ակտիվները (կամ օտարման խմբերը), որոնք օգտագործվելու են մինչև դրանց տնտեսական ծառայության վերջը, և այն ոչ ընթացիկ ակտիվները (կամ օտարման խմբերը), որոնք պետք է փակվեն, այլ ոչ թե վաճառվեն:

14. Կազմակերպությունը ժամանակավորապես շահագործումից հանված ոչ ընթացիկ ակտիվը չպետք է հաշվառի այնպես, ինչպես եթե դրանից հրաժարված լիներ:

Որպես վաճառքի համար պահվող դասակարգված ոչ ընթացիկ ակտիվների (կամ օտարման խմբերի) չափումը

Ոչ ընթացիկ ակտիվի (կամ օտարման խմբի) չափումը

15. Կազմակերպությունը որպես վաճառքի համար պահվող դասակարգված ոչ ընթացիկ ակտիվը (կամ օտարման խումբը) պետք է չափի դրա հաշվեկշռային արժեքից և «իրական արժեք՝ հանած վաճառքի ծախսումներ»-ից նվազագույնով:
- 15Ա. Կազմակերպությունը որպես սեփականատերերին բաշխելու համար պահվող դասակարգված ոչ ընթացիկ ակտիվը (կամ օտարման խումբը) պետք է չափի դրա հաշվեկշռային արժեքից և «իրական արժեք՝ հանած բաշխման ծախսումներ»-ից նվազագույնով⁴:
16. Եթե նոր ձեռք բերված ակտիվը (կամ օտարման խումբը) բավարարում է որպես վաճառքի համար պահվող դասակարգվելու չափանիշներին (տե՛ս պարագրաֆ 11), ապա 15-րդ պարագրաֆի կիրառումը կհանգեցնի այն բանին, որ սկզբնական ճանաչման պահին ակտիվը (կամ օտարման խումբը) կչափվի իր այն հաշվեկշռային արժեքից, որը կունենար որպես այդպիսին չդասակարգվելու դեպքում (օրինակ՝ ինքնարժեքից կամ սկզբնական արժեքից) և «իրական արժեք՝ հանած վաճառքի ծախսումներ»-ից նվազագույնով: Հետևաբար, եթե ակտիվը (կամ օտարման խումբը) ձեռք է բերվել որպես ձեռնարկատիրական գործունեության միավորման մաս, այն պետք է չափվի «իրական արժեք՝ հանած վաճառքի ծախսումներ»-ով:
17. Եթե վաճառքի տեղի ունենալն ակնկալվում է մեկ տարոց հետո, ապա կազմակերպությունը պետք է վաճառքի ծախսումները չափի դրանց ներկա արժեքով: Վաճառքի ծախսումների ներկա արժեքի աճը՝ կապված ժամանակ անցնելու հետ, պետք է շահույթում կամ վնասում ներկայացվի որպես ֆինանսավորման ծախս:
18. Ակտիվի (կամ օտարման խմբի) որպես վաճառքի համար պահվող սկզբնական դասակարգումից անմիջապես առաջ, ակտիվի (կամ խմբի բոլոր ակտիվների ու պարտավորությունների) հաշվեկշռային արժեքները պետք է չափվեն կիրառելի ՖՀՄՍ-ներին համապատասխան:
19. Օտարման խմբի հետագա վերաչափման ժամանակ, սույն ՖՀՄՍ-ի չափման պահանջների գործողության շրջանակներից դուրս գտնվող, սակայն որպես վաճառքի համար պահվող դասակարգված օտարման խմբում ընդգրկված ակտիվների ու պարտավորությունների հաշվեկշռային արժեքները պետք է վերաչափվեն կիրառելի ՖՀՄՍ-ներին համապատասխան՝ նախքան օտարման խմբի «իրական արժեք՝ հանած վաճառքի ծախսումներ»-ի վերաչափումը:

⁴ Բաշխման ծախսումները ուղղակիորեն բաշխմանը վերագրվող հավելյալ ծախսումներն են՝ բացառությամբ ֆինանսական ծախսումների ու շահութահարկի գծով ծախսի:

Արժեզրկումից կորուստների ճանաչումը և հակադարձումը

20. Կազմակերպությունը պետք է ճանաչի արժեզրկումից կորուստ՝ ակտիվի (կամ օտարման խմբի) արժեքի ցանկացած սկզբնական կամ հետագա, մինչև «իրական արժեք՝ հանած վաճառքի ծախսումներ» նվազեցման գծով՝ այնքանով, որքանով այն չի ճանաչվել 19-րդ պարագրաֆին համապատասխան:
21. Կազմակերպությունը ակտիվի «իրական արժեք՝ հանած վաճառքի ծախսումներ»-ի ցանկացած հետագա աճի գծով պետք է ճանաչի օգուտ, որը, սակայն, չպետք է գերազանցի կուտակված արժեզրկումից կորուստը, որը ճանաչվել է սույն ՖՀՄՍ-ին համապատասխան կամ, նախկինում, «Ակտիվների արժեզրկում» ՀՀՄՍ 36-ին համապատասխան:
22. Կազմակերպությունը օտարման խմբի «իրական արժեք՝ հանած վաճառքի ծախսումներ»-ի ցանկացած հետագա աճի գծով պետք է ճանաչի օգուտ՝
- (ա) այնքանով, որքանով այն չի ճանաչվել 19-րդ պարագրաֆին համապատասխան, բայց
 - (բ) ոչ ավել, քան կուտակված արժեզրկումից կորուստը, որը ճանաչվել է սույն ՖՀՄՍ-ին համապատասխան կամ նախկինում, ՀՀՄՍ 36-ին համապատասխան՝ այն ոչ ընթացիկ ակտիվների գծով, որոնք գտնվում են սույն ՖՀՄՍ-ի չափման պահանջների գործողության ոլորտում:
23. Օտարման խմբի գծով ճանաչված արժեզրկումից կորուստը (կամ ցանկացած հետագա օգուտ) պետք է նվազեցնի (կամ ավելացնի) խմբի՝ սույն ՖՀՄՍ-ի չափման պահանջների գործողության ոլորտում գտնվող ոչ ընթացիկ ակտիվների հաշվեկշռային արժեքը՝ բաշխման այն հերթականությամբ, որը սահմանված է ՀՀՄՍ 36-ի (2004 թվականին վերանայված) 104 (ա) և (բ) և 122-րդ պարագրաֆներում:
24. Օգուտը կամ կորուստը, որը մինչև ոչ ընթացիկ ակտիվի (կամ օտարման խմբի) վաճառքի ամսաթիվը չի չճանաչվել, պետք է ճանաչվի ապաճանաչման ամսաթվին: Ապաճանաչմանը վերաբերող պահանջները սահմանված են՝
- (ա) ՀՀՄՍ 16-ի (2003-ին վերանայված) 67–72-րդ պարագրաֆներում՝ հիմնական միջոցների համար.
 - (բ) «Ոչ նյութական ակտիվներ» ՀՀՄՍ 38-ի (2004-ին վերանայված) 112–117-րդ պարագրաֆներում՝ ոչ նյութական ակտիվների համար:
25. Կազմակերպությունը չպետք է մաշվածություն (կամ ամորտիզացիա) հաշվարկի ոչ ընթացիկ ակտիվի գծով, քանի դեռ այն դասակարգված է որպես վաճառքի համար պահվող, կամ քանի դեռ այն որպես վաճառքի համար պահվող դասակարգված օտարման խմբի մաս է կազմում: Որպես վաճառքի համար պահվող դասակարգված օտարման խմբի պարտավորություններից վերագրվող տոկոսային կամ այլ ծախսերը պետք է շարունակեն ճանաչվել:

Փոփոխությունների վաճառքի պլանում

26. Եթե կազմակերպությունը ակտիվը (կամ օտարման խումբը) դասակարգել է որպես վաճառքի համար պահվող, սակայն 7-9-րդ պարագրաֆներում սահմանված չափանիշներն այլևս չեն բավարարվում, ապա կազմակերպությունը պետք է դադարեցնի ակտիվը (կամ օտարման խումբը) որպես վաճառքի համար պահվող դասակարգելը:
27. Ոչ ընթացիկ ակտիվը, որն այլևս չի դասակարգվում որպես վաճառքի համար պահվող (կամ այլևս չի ներառվում որպես վաճառքի համար պահվող դասակարգված օտարման խմբում), պետք է չափվի ստորև նշվածներից նվազագույնով՝
- (ա) դրա հաշվեկշռային արժեքը նախքան ակտիվը (կամ օտարման խումբը) որպես վաճառքի համար պահվող դասակարգելը՝ ճշգրտված հետագա մաշվածության, ամորտիզացիայի կամ վերագնահատումների գծով, որոնք ճանաչված կլինեին, եթե ակտիվը (կամ օտարման խումբը) դասակարգված չլիներ որպես վաճառքի համար պահվող.

- (բ) դրա փոխհատուցվող գումարը չվաճառելու վերաբերյալ հետագա որոշում կայացնելու ամսաթվին⁵:
28. Կազմակերպությունը պետք է ոչ ընթացիկ ակտիվի, որն այլևս չի դասակարգվում որպես վաճառքի համար պահվող, հաշվեկշռային արժեքի ցանկացած պահանջվող ճշգրտում ներառի շարունակվող գործունեություններից շահույթի կամ վնասի մեջ⁶ այն ժամանակաշրջանում, որում 7-9-րդ պարագրաֆների չափանիշներն այլևս չեն բավարարվում: Կազմակերպությունը պետք է այդ ճշգրտումը ներկայացնի համապարփակ ֆինանսական արդյունքի մասին հաշվետվությունում այն նույն վերնագրի ներքո, որն օգտագործվում է 37-րդ պարագրաֆին համապատասխան ճանաչվող օգուտը կամ կորուստը (եթե կա այդպիսին) ներկայացնելու համար:
29. Եթե կազմակերպությունը որպես վաճառքի համար պահվող դասակարգված օտարման խմբից հանում է առանձին ակտիվ կամ պարտավորություն, ապա այդ օտարման խմբի մնացած ակտիվներն ու պարտավորությունները, որոնք ենթակա են վաճառքի, պետք է շարունակեն որպես խումբ չափվել միայն այն դեպքում, եթե խումբը բավարարում է 7-9-րդ պարագրաֆներում նշված չափանիշներին: Հակառակ դեպքում խմբի մնացած ոչ ընթացիկ ակտիվները, որոնք առանձին վերցրած բավարարում են որպես վաճառքի համար պահվող դասակարգվելու չափանիշներին, պետք է չափվեն առանձին՝ այդ ամսաթվի դրությամբ իրենց հաշվեկշռային արժեքից և «իրական արժեք՝ հանած վաճառքի ծախսումներ»-ից նվազագույնով: Այն ոչ ընթացիկ ակտիվները, որոնք չեն բավարարում նշված չափանիշներին, պետք է դադարեն դասակարգվել որպես վաճառքի համար պահվող՝ 26-րդ պարագրաֆին համապատասխան:

Ներկայացում և բացահայտում

30. Կազմակերպությունը պետք է ներկայացնի ու բացահայտի տեղեկատվություն, որը ֆինանսական հաշվետվություններն օգտագործողներին հնարավորություն կտա գնահատելու ոչ ընթացիկ ակտիվների (կամ օտարման խմբերի) օտարումների և ընդհատված գործունեությունների ֆինանսական հետևանքները:

Ընդհատված գործունեության ներկայացումը

31. Կազմակերպության բաղադրիչ մասը ներառում է գործառնություններ ու դրամական հոսքեր, որոնք ինչպես գործառնական, այնպես էլ ֆինանսական հաշվետվությունների պատրաստման նպատակներով, հստակորեն կարող են առանձնացվել կազմակերպության մնացած մասից: Այլ կերպ ասած, կազմակերպության բաղադրիչ մաս պետք է լիներ դրամաստեղծ միավոր կամ դրամաստեղծ միավորների խումբ, քանի դեռ այն պահվում էր օգտագործման համար:
32. Ընդհատված գործունեությունը կազմակերպության բաղադրիչ մաս է, որը կամ օտարվել է, կամ դասակարգված է որպես վաճառքի համար պահվող, և՛
- (ա) իրենից ներկայացնում է գործունեության առանձին խոշոր ուղղություն կամ գործառնությունների իրականացման աշխարհագրական տարածք.
 - (բ) կազմում է գործունեության առանձին խոշոր ուղղության կամ գործառնությունների իրականացման աշխարհագրական տարածքի օտարման մեկ համակարգված պլանի մաս. կամ
 - (գ) բացառապես վերավաճառելու նպատակով ձեռք բերված դուստր կազմակերպություն է:
33. Կազմակերպությունը պետք է բացահայտի՝

⁵ Եթե ոչ ընթացիկ ակտիվը դրամաստեղծ միավորի մաս է կազմում, ապա դրա փոխհատուցվող գումարը այն հաշվեկշռային արժեքն է, որը ճանաչված կլիներ այդ դրամաստեղծ միավորի գծով առաջացած արժեզրկումից կորուստը ՀՀՄՍ 36-ին համապատասխան բաշխելուց հետո:

⁶ Բացառությամբ այն դեպքի, երբ ակտիվը հիմնական միջոց է կամ ոչ նյութական ակտիվ, որը մինչև դրա որպես վաճառքի համար պահվող դասակարգվելը վերագնահատվել է ՀՀՄՍ 16-ին կամ ՀՀՄՍ 38-ին համապատասխան, ինչի դեպքում ճշգրտումը պետք է դիտվի որպես վերագնահատումից արժեքի աճ կամ նվազում:

- (ա) մեկ գումար համապարփակ ֆինանսական արդյունքի մասին հաշվետվությունում, որը ստորև նշվածների հանրագումարն է՝
 - (i) ընդհատված գործունեությունների շահույթը կամ վնասը հարկումից հետո.
 - (ii) ընդհատված գործունեությունը կազմող ակտիվների կամ օտարման խմբի (խմբերի) օտարումից կամ «իրական արժեք՝ հանած վաճառքի ծախսումներ»-ով չափումից ճանաչված օգուտը կամ կորուստը հարկումից հետո.
- (բ) (ա) կետում նշված այդ մեկ գումարի վերլուծությունը ըստ հետևյալ բաղադրիչների՝
 - (i) ընդհատված գործունեությունների գծով հասույթը, ծախսերը և մինչև հարկումը շահույթը կամ վնասը.
 - (ii) դրա հետ կապված շահութահարկի գծով ծախսը, ինչպես պահանջվում է ՀՀՄՍ 12-ի 81(ը) պարագրաֆով.
 - (iii) ընդհատված գործունեությունը կազմող ակտիվների կամ օտարման խմբի (խմբերի) օտարումից կամ «իրական արժեք՝ հանած վաճառքի ծախսումներ»-ով չափումից ճանաչված օգուտը կամ կորուստը.
 - (iv) դրա հետ կապված շահութահարկի գծով ծախսը, ինչպես պահանջվում է ՀՀՄՍ 12-ի 81(ը) պարագրաֆով:

Վերլուծությունը կարող է ներկայացվել ծանոթագրություններում կամ համապարփակ ֆինանսական արդյունքի մասին հաշվետվությունում: Եթե այն ներկայացվում է համապարփակ ֆինանսական արդյունքի մասին հաշվետվությունում, ապա այն պետք է ներկայացվի որպես ընդհատված գործունեություններին վերաբերող բնութագրվող հատվածում, այսինքն՝ շարունակվող գործառնություններից առանձին: Այսպիսի վերլուծություն չի պահանջվում այն օտարման խմբերի համար, որոնք իրենցից ներկայացնում են նոր ձեռք բերված դուստր կազմակերպություններ, որոնք հենց ձեռքբերման պահին բավարարում են որպես վաճառքի համար պահվող դասակարգվելու չափանիշներին (տե՛ս պարագրաֆ 11):

(գ) գուտ դրամական հոսքերը, որոնք վերագրվում են ընդհատված գործունեությունների գործառնական, ներդրումային և ֆինանսավորման գործունեությանը: Այս բացահայտումները կարող են ներկայացվել ծանոթագրություններում կամ ֆինանսական հաշվետվություններում: Այսպիսի բացահայտումներ չեն պահանջվում այն օտարման խմբերի համար, որոնք իրենցից ներկայացնում են նոր ձեռք բերված դուստր կազմակերպություններ, որոնք հենց ձեռքբերման պահին բավարարում են որպես վաճառքի համար պահվող դասակարգվելու համար սահմանված չափանիշներին (տե՛ս պարագրաֆ 11).

(դ) շարունակվող գործունեությունից և ընդհատված գործունեությունից եկամտի գումարը, որը վերագրվում է մայր կազմակերպության սեփականատերերին: Այս բացահայտումները կարող են ներկայացվել կամ ծանոթագրություններում, կամ համապարփակ ֆինանսական արդյունքի մասին հաշվետվությունում:

33Ա. Եթե կազմակերպությունը շահույթի կամ վնասի բաղադրիչները ներկայացնում է ֆինանսական արդյունքների մասին առանձին հաշվետվությունում, ինչպես նկարագրված է ՀՀՄՍ 1-ի (2007-ին վերանայված) 81-րդ պարագրաֆում, ապա որպես ընդհատված գործունեություններին վերաբերող բնութագրվող հատվածը ներկայացվում է այդ առանձին հաշվետվությունում:

34. Կազմակերպությունը պետք է 33-րդ պարագրաֆում նկարագրված բացահայտումները վերաներկայացնի ֆինանսական հաշվետվություններում ներկայացված նախորդ ժամանակաշրջանների համար այնպես, որ բացահայտումները վերաբերեն բոլոր այն գործունեություններին, որոնք ընդհատված են եղել ներկայացված ամենավերջին հաշվետու ժամանակաշրջանի ավարտին:

35. Նախկինում ընդհատված գործունեություններում ներկայացված գումարների՝ ընթացիկ ժամանակաշրջանում կատարված ձգարտումները, որոնք ուղղակիորեն վերաբերում են նախորդ ժամանակաշրջանում տեղի ունեցած ընդհատված գործունեության օտարմանը, պետք է ընդհատված գործունեություններում դասակարգվեն առանձին: Այդպիսի ձգարտումների բնույթն

ու գումարը պետք է բացահայտվեն: Ստորև նշվածները այնպիսի հանգամանքների օրինակներ են, երբ կարող են այդպիսի ճշգրտումներ առաջանալ՝

- (ա) օտարման գործարքի պայմաններից առաջացող անորոշությունների լուծումը, օրինակ՝ գնորդի հետգնման գնի ճշգրտումների և փոխհատուցման հետ կապված հարցերի լուծումը.
 - (բ) բաղադրիչի գործառնություններից առաջացող և դրանց հետ ուղղակիորեն կապված անորոշությունների լուծումը մինչև օտարումը, օրինակ՝ բնապահպանական և արտադրանքին վերաբերող երաշխիքային պարտականությունները, որոնք մնացել են վաճառողի վրա.
 - (գ) աշխատակիցների հատուցումների պլանի պարտականությունների մարումը՝ պայմանով, որ այդ մարումը ուղղակիորեն կապված է օտարման գործարքի հետ:
36. Եթե կազմակերպությունը դադարեցնում է կազմակերպության բաղադրիչը որպես վաճառքի համար պահվող դասակարգելը, ապա բաղադրիչի գործառնությունների արդյունքները, որոնք նախկինում ներկայացվել էին ընդհատված գործունեություններում՝ 33-35-րդ պարագրաֆներին համապատասխան, պետք է վերադասակարգվեն և ներառվեն շարունակվող գործունեությունից ստացված եկամտում բոլոր ներկայացված ժամանակաշրջանների համար: Նախորդ ժամանակաշրջաններին վերաբերող գումարները պետք է նկարագրվեն որպես վերաներկայացված:
- 36Ա. Դուստր կազմակերպության նկատմամբ վերահսկողության կորուստ ներառող վաճառքի պլանն իրականացնելու պարտավորություն ստանձնած կազմակերպությունը պետք է բացահայտի 33-36-րդ պարագրաֆներով պահանջվող տեղեկատվությունը, երբ դուստր կազմակերպությունը օտարման խումբ է, որը բավարարում է ընդհատված գործունեության սահմանմանը՝ համաձայն 32-րդ պարագրաֆի:

Շարունակվող գործունեությանը վերաբերող օգուտներ կամ կորուստներ

37. Որպես վաճառքի համար պահվող դասակարգված, սակայն ընդհատված գործունեության սահմանմանը չբավարարող ոչ ընթացիկ ակտիվի (կամ օտարման խմբի) վերաչափումից օգուտը կամ կորուստը պետք է ներառվի շարունակվող գործառնությունից շահույթի կամ վնասի մեջ:

Որպես վաճառքի համար պահվող դասակարգված ոչ ընթացիկ ակտիվի կամ օտարման խմբի ներկայացումը

38. Որպես վաճառքի համար պահվող դասակարգված ոչ ընթացիկ ակտիվը և որպես վաճառքի համար պահվող դասակարգված օտարման խմբի ակտիվները ֆինանսական վիճակի մասին հաշվետվությունում պետք է ներկայացվեն այլ ակտիվներից առանձին: Որպես վաճառքի համար պահվող դասակարգված օտարման խմբի պարտավորությունները ֆինանսական վիճակի մասին հաշվետվությունում պետք է ներկայացվեն այլ պարտավորություններից առանձին: Այդ ակտիվներն ու պարտավորությունները չպետք է հաշվանցվեն և ներկայացվեն մեկ գումարով: Որպես վաճառքի համար պահվող դասակարգված ակտիվների ու պարտավորությունների խոշոր դասերը պետք է առանձին բացահայտվեն կամ ֆինանսական վիճակի մասին հաշվետվությունում, կամ ծանոթագրություններում, բացառությամբ 39-րդ պարագրաֆով թույլատրված դեպքի: Կազմակերպությունը պետք է առանձին ներկայացնի այլ համապարփակ ֆինանսական արդյունքում ձանաչված կուտակային եկամուտը կամ ծախսը, որը վերաբերում է որպես վաճառքի համար պահվող դասակարգված ոչ ընթացիկ ակտիվին (կամ օտարման խմբին):
39. Եթե օտարման խումբը նոր ձեռք բերված դուստր կազմակերպություն է, որը ձեռքբերման պահին բավարարում է որպես վաճառքի համար պահվող դասակարգվելու չափանիշներին (տես պարագրաֆ 11), ապա ակտիվների ու պարտավորությունների խոշոր դասերի բացահայտումը չի պահանջվում:

40. Կազմակերպությունը նախորդ ժամանակաշրջանների ֆինանսական վիճակի մասին հաշվետվությունում որպես վաճառքի համար պահվող դասակարգված ոչ ընթացիկ ակտիվների կամ օտարման խմբերի ակտիվների ու պարտավորությունների համար ներկայացված գումարները չպետք է վերադասակարգի կամ վերաներկայացնի՝ ներկայացված ամենավերջին հաշվետու ժամանակաշրջանի ֆինանսական վիճակի մասին հաշվետվությունում դասակարգումը արտացոլելու համար:

Լրացուցիչ բացահայտումներ

41. Կազմակերպությունը ծանոթագրություններում պետք է բացահայտի հետևյալ տեղեկատվությունն այն ժամանակաշրջանում, որում ոչ ընթացիկ ակտիվը (կամ օտարման խումբը) դասակարգվել է որպես վաճառքի համար պահվող կամ վաճառվել է՝
- (ա) ոչ ընթացիկ ակտիվի (կամ օտարման խմբի) նկարագրությունը.
 - (բ) այն փաստերի և հանգամանքների նկարագրությունը, որոնցում տեղի է ունեցել վաճառքը, կամ որոնք հանգեցնում են ակնկալվող օտարմանը, և այդ օտարման ակնկալվող ձևն ու ժամանակը.
 - (գ) օգուտը կամ կորուստը, որը ձանաչվել է 20-22-րդ պարագրաֆներին համապատասխան, և, եթե այն առանձին չի ներկայացվում համապարփակ ֆինանսական արդյունքի մասին հաշվետվությունում, այդ հաշվետվության այն հոդվածի վերնագիրը, որը ներառում է այդ օգուտը կամ կորուստը.
 - (դ) եթե կիրառելի է, այն հաշվետու սեգմենտը, որում ներկայացվում է ոչ ընթացիկ ակտիվը (կամ օտարման խումբը)՝ *«Գործառնական սեգմենտներ»* ՖՀՄՍ 8-ին համապատասխան:
42. Թե՛ 26-րդ պարագրաֆի, և թե՛ 29-րդ պարագրաֆի կիրառման դեպքում կազմակերպությունը ոչ ընթացիկ ակտիվի (կամ օտարման խմբի) վաճառքի պլանում փոփոխության մասին որոշում կայացնելու ժամանակաշրջանում պետք է բացահայտի այն փաստերի և հանգամանքների նկարագրությունը, որոնք հանգեցրել են այդ որոշմանը, և այդ որոշման ազդեցությունը տվյալ ժամանակաշրջանի և ներկայացված նախորդող ժամանակաշրջանների գործառնությունների արդյունքների վրա:

Անցումային դրույթներ

43. Սույն ՖՀՄՍ-ն պետք է կիրառվի առաջընթաց այն ոչ ընթացիկ ակտիվների (կամ օտարման խմբերի) նկատմամբ, որոնք բավարարում են որպես վաճառքի համար պահվող դասակարգվելու չափանիշներին, և այն գործունեությունների նկատմամբ, որոնք բավարարում են որպես ընդհատված դասակարգելու չափանիշներին՝ սույն ՖՀՄՍ-ի ուժի մեջ մտնելու ամսաթվից հետո: Կազմակերպությունը կարող է սույն ՖՀՄՍ-ի պահանջները կիրառել բոլոր այն ոչ ընթացիկ ակտիվների (կամ օտարման խմբերի) նկատմամբ, որոնք բավարարում են որպես վաճառքի համար պահվող դասակարգվելու չափանիշներին, և այն գործունեությունների նկատմամբ, որոնք բավարարում են որպես ընդհատված դասակարգվելու սահմանված չափանիշներին սույն ՖՀՄՍ-ի ուժի մեջ մտնելուն նախորդող ցանկացած ամսաթվից հետո՝ պայմանով, որ սույն ՖՀՄՍ-ն կիրառելու համար պահանջվող գնահատումները և այլ տեղեկատվություն ձեռք են բերվել նշված չափանիշների սկզբնական բավարարման ժամանակ:

Ուժի մեջ մտնելը

44. Կազմակերպությունը պետք է սույն ՖՀՄՍ-ն կիրառի 2005 թվականի հունվարի 1-ին կամ դրանից հետո սկսվող տարեկան ժամանակաշրջանների համար: Վաղաժամ կիրառումը խրախուսելի է: Եթե կազմակերպությունը սույն ՖՀՄՍ-ն կիրառում է 2005 թվականի հունվարի 1-ից առաջ սկսվող ժամանակաշրջանի համար, ապա նա պետք է բացահայտի այդ փաստը:
- 44Ա. ՀՀՄՍ 1-ը (վերանայված՝ 2007-ին) փոփոխել է ՖՀՄՍ-ներում օգտագործվող տերմինները: Բացի այդ, այն փոփոխել է 3-րդ և 38-րդ պարագրաֆները և ավելացրել 33Ա պարագրաֆը: Կազմակերպությունը այդ փոփոխությունները պետք է կիրառի 2009 թվականի հունվարի 1-ին կամ դրանից հետո սկսվող տարեկան ժամանակաշրջանների համար: Եթե կազմակերպությունը

- ՀՀՄՍ 1-ը (վերանայված՝ 2007-ին) կիրառում է ավելի վաղ ժամանակաշրջանի համար, ապա նշված փոփոխությունները պետք է կիրառվեն այդ ավելի վաղ ժամանակաշրջանի համար:
- 44Բ. «Համախմբված և առանձին ֆինանսական հաշվետվություններ» ՀՀՄՍ 27-ը (փոփոխված՝ 2008-ին) ավելացրել է 33(դ) պարագրաֆը: Կազմակերպությունը այդ փոփոխությունը պետք է կիրառի 2009 թվականի հուլիսի 1-ին կամ դրանից հետո սկսվող տարեկան ժամանակաշրջանների համար: Եթե կազմակերպությունը ՀՀՄՍ 27-ը (փոփոխված՝ 2008-ին) կիրառում է ավելի վաղ ժամանակաշրջանի համար, ապա նշված փոփոխությունը պետք է կիրառվի այդ ավելի վաղ ժամանակաշրջանի համար: Փոփոխությունը պետք է կիրառվի հետընթաց:
- 44Գ. 8Ա և 36Ա պարագրաֆները ավելացվել են 2008 թվականի մայիսին հրապարակված «ՖՀՄՍ-ների բարելավումներ»-ով: Կազմակերպությունը այդ փոփոխությունները պետք է կիրառի 2009 թվականի հուլիսի 1-ին կամ դրանց հետո սկսվող տարեկան ժամանակաշրջանների համար: Վաղաժամ կիրառումը թույլատրելի է: Այնուամենայնիվ, կազմակերպությունը չպետք է նշված փոփոխությունները կիրառի 2009 թվականի հուլիսի 1-ից առաջ սկսվող տարեկան ժամանակաշրջանների համար, բացառությամբ այն դեպքի, երբ այն կիրառում է նաև ՀՀՄՍ 27-ը (2008-ին փոփոխված): Եթե կազմակերպությունը նշված փոփոխությունները կիրառում է մինչև 2009 թվականի հուլիսի 1-ը, ապա նա պետք է բացահայտի այդ փաստը: Կազմակերպությունը այդ փոփոխությունները պետք է կիրառի հետընթաց՝ սկսած այն ամսաթվից, երբ նա առաջին անգամ կիրառել է ՖՀՄՍ 5-ը՝ համաձայն ՀՀՄՍ 27-ի (2008-ին փոփոխված) 45-րդ պարագրաֆի անցումային դրույթների:
- 44Դ. Ավելացվել են 5Ա, 12Ա և 15Ա պարագրաֆները, իսկ 8-րդ պարագրաֆը փոփոխության է ենթարկվել ՖՀՄՍԿ 17 «Ոչ դրամական ակտիվների բաշխումը սեփականատերերին» մեկնաբանությամբ, 2008 թվականի նոյեմբերին: Այդ փոփոխությունները պետք է առաջընթաց կիրառվեն այն ոչ ընթացիկ ակտիվների (կամ օտարման խմբերի) նկատմամբ, որոնք դասակարգվել են որպես սեփականատերերին բաշխելու համար պահվող 2009 թվականի հուլիսի 1-ին կամ դրանից հետո սկսվող տարեկան ժամանակաշրջաններում: Հետընթաց կիրառումը չի թույլատրվում: Վաղաժամ կիրառումը թույլատրվում է: Եթե կազմակերպությունը փոփոխությունները կիրառում է 2009 թվականի հուլիսի 1-ից առաջ սկսվող ժամանակաշրջանի համար, ապա նա պետք է բացահայտի այդ փաստը և կիրառի նաև «Չենարկատիրական գործունեության միավորումներ» ՖՀՄՍ 3-ը (2008-ին վերանայված), ՀՀՄՍ 27-ը (փոփոխված՝ 2008-ի մայիսին) և ՖՀՄՍԿ 17-ը:

ՀՀՄՍ 35-ի գործողության դադարեցումը

45. Սույն ՖՀՄՍ-ը փոխարինում է «Ընդհատված գործունեություն» ՀՀՄՍ 35-ին:

Հավելված Ա Սահմանումներ

Այս հավելվածը սույն ՖՀՄՍ-ի անբաժան մասն է:

- | | |
|---------------------------------|--|
| դրամաստեղծ միավոր | Ակտիվների փոքրագույն որոշելի (իդենտիֆիկացվող) խումբ, որն առաջացնում է այլ ակտիվներից կամ ակտիվների խմբերից առաջացող դրամական միջոցների ներհոսքերից մեծապես անկախ դրամական միջոցների ներհոսքեր: |
| կազմակերպության բաղադրիչ | Գործառնություններ և դրամական միջոցների հոսքեր, որոնք, ինչպես գործառնական, այնպես էլ ֆինանսական հաշվետվությունների պատրաստման նպատակներով, հստակորեն կարող են առանձնացվել կազմակերպության մնացած մասից: |

վաճառքի ծախսումներ	Ակտիվի (կամ օտարման խմբի) օտարմանն ուղղակիորեն վերագրելի հավելյալ ծախսումներ՝ բացառությամբ ֆինանսական ծախսումների և շահութահարկի գծով ծախսի:
ընթացիկ ակտիվ	<p>Կազմակերպությունը պետք է ակտիվը դասակարգի որպես ընթացիկ, երբ՝</p> <ul style="list-style-type: none"> (ա) ակնկալում է ակտիվն իրացնել կամ մտադիր է այն վաճառել կամ սպառել իր սովորական գործառնական փուլի ընթացքում. (բ) ակտիվը պահում է հիմնականում առևտրային նպատակով. (գ) ակնկալում է ակտիվն իրացնել հաշվետու ժամանակաշրջանից հետո տասներկու ամսվա ընթացքում. կամ (դ) ակտիվը դրամական միջոց է կամ դրամական միջոցի համարժեք (ինչպես սահմանված է ՀՀՄՍ 7-ում), բացառությամբ, երբ ակտիվի փոխանակումը կամ օգտագործումը՝ պարտավորությունների մարման նպատակով, սահմանափակված է հաշվետու ժամանակաշրջանից նվազագույնը տասներկու ամսվա ընթացքում:
ընդհատված գործունեություն	<p>Կազմակերպության բաղադրիչ մաս, որը կամ օտարվել է, կամ դասակարգված է որպես վաճառքի համար պահվող, և՝</p> <ul style="list-style-type: none"> (ա) իրենից ներկայացնում է բիզնեսի (գործունեության) առանձին խոշոր ուղղություն կամ գործառնությունների իրականացման աշխարհագրական տարածք. (բ) կազմում է գործունեության առանձին կարևոր ուղղության կամ գործառնությունների իրականացման աշխարհագրական տարածքի օտարման մեկ համակարգված պլանի մաս. կամ (գ) բացառապես վերավաճառելու նպատակով ձեռք բերված դուստր կազմակերպություն է:
օտարման խումբ	<p>Ակտիվների խումբ, որոնք ենթակա են օտարման վաճառքի միջոցով կամ այլ կերպ՝ միասին որպես խումբ՝ մեկ գործարքում, ինչպես նաև այդ ակտիվների հետ ուղղակիորեն կապված պարտավորություններ, որոնք պետք է փոխանցվեն այդ գործարքի արդյունքում: Խումբը ներառում է ձեռնարկատիրական գործունեության միավորումում ձեռք բերված գույվիլը, եթե խումբը դրամաստեղծ միավոր է, որին բաշխվել է գույվիլը՝ «Ակտիվների արժեզրկում» ՀՀՄՍ 36-ի (2004-ին վերանայված) 80-87-րդ պարագրաֆների պահանջներին համապատասխան, կամ եթե այն գործառնություն է այդպիսի դրամաստեղծ միավորի կազմում:</p>
իրական արժեք	<p>Այն գումարը, որով ակտիվը կարող է փոխանակվել կամ պարտավորությունը մարվել՝ իրազեկ և պատրաստական կողմերի միջև՝ «անկախ կողմերի միջև գործարքում»:</p>
զննան կայուն պարտավորվածություն	<p>Սովորաբար իրավաբանական ուժ ունեցող համաձայնություն չկապակցված կողմի հետ, որը երկու կողմի համար էլ պարտավորեցնող է և, սովորաբար, ամրագրված է իրավաբանորեն, և որը՝ (ա) սահմանում է բոլոր կարևոր պայմանները՝ ներառյալ գործարքների գինը և ժամկետները, և (բ) ներառում է չկատարումը զսպող միջոց, որը բավականաչափ խոշոր է, որպեսզի կատարումը շատ հավանական լինի:</p>
շատ հավանական	Նշանակալիորեն ավելին, քան՝ հավանականը :
ոչ ընթացիկ ակտիվ	Ակտիվ, որը չի բավարարում ընթացիկ ակտիվի սահմանմանը:

հավանական	Ավելի հավանական, քան՝ ոչ:
փոխհատուցվող գումար	Ակտիվի «իրական արժեք՝ հանած վաճառքի ծախսումներ»-ից և օգտագործման արժեքից առավելագույնը:
օգտագործման արժեք	Գնահատված ապագա դրամական հոսքերի ներկա արժեքը, որոնց առաջացումն ակնկալվում է ակտիվի շարունակական օգտագործումից և օգտակար ծառայության ավարտին դրա օտարումից:

Հավելված Բ Կիրառման վերաբերյալ լրացում

Այս հավելվածը սույն ՖՀՄՍ-ի անբաժան մասն է:

Վաճառքն ավարտին հասցնելու համար պահանջվող ժամանակահատվածի երկարացում

- Բ1 Ինչպես նշված է 9-րդ պարագրաֆում, վաճառքն ավարտին հասցնելու համար պահանջվող ժամանակահատվածի երկարացումը չի արգելում, որ ակտիվը (կամ օտարման խումբը) դասակարգվի որպես վաճառքի համար պահվող, եթե հետաձգման պատճառը այնպիսի դեպքեր կամ հանգամանքներ են, որոնք դուրս են կազմակերպության վերահսկողությունից, և առկա են բավարար ապացույցներ, որ կազմակերպությունը հավատարիմ է մնում ակտիվը (կամ օտարման խումբը) վաճառելու իր պլանին: Հետևաբար, 8-րդ պարագրաֆում նախատեսված մեկ տարվա պահանջից բացառությունը պետք է կիրառվի հետևյալ իրադրություններում, որտեղ առաջանում են այդպիսի դեպքեր կամ հանգամանքներ.
- (ա) այն ամսաթվին, երբ կազմակերպությունը ստանձնում է ոչ ընթացիկ ակտիվի (կամ օտարման խմբի) վաճառքի պլանը, նա ողջամտորեն ակնկալում է, որ այլ անձինք (ոչ գնորդը) այնպիսի պայմաններ կդնեն ակտիվի (կամ օտարման խմբի) փոխանցման նկատմամբ, որոնք կերկարացնեն վաճառքն ավարտին հասցնելու համար պահանջվող ժամանակահատվածը, և
 - (i) այդ պայմաններին հակազդելու համար անհրաժեշտ գործողությունները չեն կարող ձեռնարկվել, մինչև ձեռք չբերվի *զննան կայուն պարտավորվածություն*.
 - (ii) զննան կայուն պարտավորվածությունը շատ հավանական է մեկ տարվա ընթացքում.
 - (բ) կազմակերպությունը ձեռք է բերում զննան կայուն պարտավորվածություն և, արդյունքում, գնորդը կամ այլ անձինք անսպասելիորեն պայմաններ են դնում նախապես որպես վաճառքի համար պահվող դասակարգված ոչ ընթացիկ ակտիվի (կամ օտարման խմբի) փոխանցման վրա, որը երկարացնում է վաճառքն ավարտին հասցնելու համար պահանջվող ժամանակահատվածը, և
 - (i) ժամանակին ձեռնարկվում են այդ պայմաններին հակազդելու համար անհրաժեշտ գործողություններ.
 - (ii) ակնկալվում է հետաձգումը պատճառող գործոնների բարենպաստ լուծում.
 - (գ) սկզբնական մեկամյա ժամանակահատվածի ընթացքում առաջանում են հանգամանքներ, որոնք նախապես համարվել են անհավանական և, արդյունքում, նախապես որպես վաճառքի համար պահվող դասակարգված ոչ ընթացիկ ակտիվը (կամ օտարման խումբը) մինչև այդ ժամանակահատվածի վերջը չի վաճառվում, և
 - (i) սկզբնական մեկամյա ժամանակահատվածի ընթացքում կազմակերպությունը անհրաժեշտ գործողություններ է ձեռնարկել՝ հակազդելու համար հանգամանքների փոփոխությանը.

- (ii) ոչ ընթացիկ ակտիվը (կամ օտարման խումբը) ակտիվորեն առաջարկվում է շուկայում այնպիսի գնով, որը ողջամիտ է՝ հաշվի առնելով հանգամանքների փոփոխությունը.
- (iii) 7 և 8-րդ պարագրաֆների չափանիշները բավարարված են: